

campestris Medaba usque Dibon, v. 16. Fuitque terminus eorum ab Aro-
er, quæ est in ripa torrentis Arnon, & in valle ejusdem torrentis media,
universam planiciem, quæ ducit Medaba, 1. Paral. 19. v. 7. Ammonita-
rum Rex Hamon cum suis castrametatus est de regione Medaba. Ammo-
nitarum olim hæc urbs fuit, posteaque Amorrhæorum, ex Num. 21. v. 30.

Meddin inter Betharaba, & Sachacha, urbs est in regione undecima
& ultima Tribus Judæ, Josue 15. v. 61.

Medemena. V. Beth-marcaboth.

Medena Ecbatanis, quod est castrum in Medena Provincia; legen-
dum est in Media vel in Medorum Provincia. V. Ecbatana.

Media Asiæ pars, & quæ aliquando Asiæ imperium obtinuit. Arbace
Medo Ninivem, ubi erat Sardanapalus Assyriorum Rex, capiente: sed
& vicissim Medorum Imperium Cyaxare mortuo ad Persas devolutum
est. Ecbatana Medorum Regia fuit. V. Ecbatana. 3. Esdr. 3. v. 1. Rex
Darius fecit cœnam magnam... & Magistratibus Mediæ & Persidis. 1. Mach.
14. v. 2. Arsaces Rex Persidis & Mediæ. Cæterum cum Israël translatus
est in Assyrios, dicitur positus in civitatibus Medorum; saltem in civita-
tibus Assyriæ, Mesopotamiæ, & Armeniæ, quæ in confiniis Medorum
sunt, & quæ aliquando Medis subditæ.

Mejercon, alias Majercon, id est, Aquæ Jercon, decima septima est
inter urbes Tribus Dan, Josue 19. v. 46.

Melite insula, penes quam Paulus naufragium fecit Act. 27... & cum
salvus evasisset in insulam, à vipera morsus nihil mali passus est, tum &
Publii principis insulæ patrem febri, & dysenteria, aliosque aliis infir-
mitatibus vexatos, sanavit, c. 28. Melite insula est penes, & ad Meri-
diem Siciliæ.

Mello. Judic. 9. v. 6. Congregati sunt omnes viri Sichem, & universæ
familie urbis Mello.... & constituerunt sibi Regem Abimelech juxta
Quercum, quæ stabat in Sichem. Sed Joathas, à v. 7. ad 20. imprecatur
in habitatores Sichem, & oppidi Mello, quod se Gedeonis filio postha-
bito, Abimelech nothum sibi in Regem elegissent. Aliud est Mello, de
quo 2. Reg. 5. v. 9. Habitavit David in arce, & vocavit eam civitatem
David, & ædificavit per gyrum à Mello, & intrinsecus. Eam ædifi-
cavit iterum Salomon, 3. Reg. 9. v. 15. Salomon ædificavit Domum Do-
mini, & Domum suam, & Mello, & murum Jerusalem, &c. quæcum-
que dicta sunt de Mello in historia Davidis, & Salomonis, ea ad voragi-
nem sive partem urbis Jerusalem spectant, quæ inter superiorem & infe-
riorem est urbem: putoque idem esse de suburbio ad Sichem, quod ali-
quando muris munitum fuerit, & in alteram urbem excreverit.

Melothi urbs. Judith 2. v. 13. ait, civitatem opinatissimam Melothi ab
Holoferne effractam: eam non aliam, quam Malluntem putamus, & quæ
non longè à Tharso Ciliciæ, cujus ibidem mentio est.

Memnonis sepulchrum Joseph. 2. Bell. 4. prope Beleum fluv. & paludem,
quam Cendeviam vocat Plinius.

Memphis. Isaias, Jerem. Ezech. & alii in Memphim multa vaticinan-
tur: & ait Jeremias: Memphis in solitudinem erit, & deseretur, & inha-
bitabilis erit. Mediæ Ægypti aliquandiu, & aliquando totius Ægypti me-
tropolis fuit.

Menni. Jeremiæ 51. v. 27. de Regibus Ararat, Menni, & Ascenez.
Ararat Armeniam jam diximus; Ascenez Galliam; quid sit Menni non
facile est dicere, nisi pro Madai scriptum sit: nec enim nominis Menni
& in sacris & in profanis scriptoribus alia est mentio.

Mennith urbs sive locus, quo usque Ammonitas percussit Josue, Judic.
11. v. 33. eadem forte, quæ Mageth in Machabæis.

31. 26. 66. 52.

31. 27. 65. 32.

40. 0. 87. 30.

31. 59. 66. 2.

34. 0. 39. 30.

32. 57. 67. 11.

36. 55. 68. 35.

32. 54. 66. 51.

29. 45. 61. 55.

31. 54. 67. 52. ¹/₂